

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

Dominica XVIII. post Trinitatis.

Evangelium Matth. 22. vers. 34. 46.

IN arca fœderis asservabantur duæ tabulæ Mosis, & urna aurea, quæ manna continebat, Ebr. 9. v. 4.

Præsens Evangelium est instar arcæ fœderis, quia duo continent præcipua religio-nis nostra capita, quibus totus noster Christianismus & salus inde dependens innititur.

1. Doctrina de lege, cuius summa est, ut diligamus Deum toto corde, totâ animâ, totâ mente, & proximum sicut nos ipsos. Hæc dilectio est impletio legis, Röm. 13. v. 10.

2. Doctrina de fide, quæ Christum nobis commendat per manna præfiguratum, Iohann. 6. v. 33, Dominum & Filium Davidis, in quo uno tota nobis spes & salus recondita est, Act. 4. v. 12. Quod enim impossibile erat legi, in quo infirmabatur per carnem, præstítit Deus per Filium, ut justitia legis in nobis impleretur, Rom. 8. v. 3.

De utroque pauca dicemus, considera-turi

- I. *Summum legis præceptum, s. Summa agendorum.*
- II. *Christi personam & officium, s. Iu-mam Credendoy.*

J. J.

EXEGESIS.

Levitis olim præcepit Deus, ut in alta-ri holocausti ignis perpetuò colluceret, neque unquam deficeret, Levit. 6. v. 9. Ve-tus hæc figura nihil aliud notat, quam inter cætera Legis Evangelicæ præcepta hoc iuprimis eminere, quo Deus sacrum charitatis ignem in ara cordis jugiter ardere & lucere voluit, ut ipse Christus docet in pri-

ma parte prælecti Evangelii, ubi Christus legisperito cuidam ad quæstionem de maxi-mo legis præcepto responderet: Diliges Deum tuum ex toto corde tuo, ex tota anima tua, & ex tota mente tua, hoc est primum & maximum præceptum. Secundum autem simile huic: Diliges proximum tuum sicut teipsum. In his duobus mandatis tota lex & Prophetæ pendent.

Habemus in his verbis

I. *Opponentem.* Ubi consideranda ve-niat

I. *Ansa,* vers. 34. quia nimur audi-verant Pharisei, quod Sadducæi os obtu-rasset, idèò ad vindicandam hanc injuriam convenient.

Sub hac imagine indefessum Diacoli odium erga Christum, & fideles ipsius asse-clas nobis depingitur. Tentârant Christum, paulò ante Pharisei quæstione de cen-su Cælari tribuendo, Matth. 22. v. 17. quibus cum pudore relegatis illo ipso die adeunt, ipsum Sadducæi, proponentes ipsi quæstionem de resurrectione mortuorum, ibid. v. 23. seqq. sed horum ora postquam sufficien-ter obstruxisset, ecce iterum insurgunt ad-versus eum Pharisei, & arduam de summo legis mandato quæstionem ipsi proponunt, usque adeò fidelis est Satan in tentandis & exagitandis genuinis Christi discipulis. Non ergò mirum nobis & insolens vide-a-tur, cum adhuc hodie schismaticorum hæreticorum fallorumque fratrum agmina pios & fideles Christi ministros ex utroq; latere dictis, scriptis, factis, per gloriam & igno-

miniam, per convitia & laudes invadere cernimus, 2. Cor. 6. v. 7. 8. non sumus meliores Apostolis, qui adhuc viventes non sine dolore viderunt eversionem Ecclesiarum, quas ipsi plantaverant suo ministerio, scribit Lutherus. Manebit tamen Christus & tuebitur Ecclesiam suam contra omnes portas inferorum, Matth. 16. v. 18.

2. *Persona.* Evangelista vocat *vōμικόν* legisperitum, qui Marco notante c. 12. v. 28. audierat Christum & Sadducos simul disputantes, & viderat, quod Christus bene respondisset. Hunc dubio procul ob insignem legis scientiam adornant, ut quæstionem temporis valde tritam tanquam pomum contentionis in medium projiceret, de præcipuo legis præcepto, & Christum tentaret, id est, in sermone captaret, & publicè coram omnibus pudefaceret.

Unde apparet veram Christi Ecclesiam ab iis potissimum exagitari, qui specioso Catholica Ecclesiæ titulo gloriantur, & multis egregiis donis à Deo exornati sunt: Pharisei sedebant in Cathedra Molis, Matt. 23. vers. 2. arrogabant sibi clavem scientiæ, Luc. ii. v. 52. & jactabant se cœcorum duces, lumen eorum qui sunt in tenebris, eruditores insipientium, magistros infantium, habentes informationem cognitionis & veritatis per legem, Roman. 2. v. 19. 20. Primi igitur debebant esse, qui doctrinam Christi amplecterentur, sed contrarium docuit experientia. Cave igitur, ut scandalum tibi moveat pomposa malignantium Ecclesia. Sponsæ Christi decus internum est, Psal. 45. v. 14. non multi sapientes secundum carnem, non multi potentes, non multi nobiles, sed quæ stulta sunt mundi, elegit Deus, ut confundat sapientes, &c. 1. Cor. 1. v. 26. 27.

3. *Materia,* quam sibi ad hanc disputa-

tionem selegit, de summo legis præcepto. Erat hoc tum temporis problema vexatissimum. Nam Judæi legem in præcepta & interdicta diviferant. Præcepta numerabant trecenta sexaginta quinque, tot neimpe quot dies in anno sunt. Interdicta vero ducenta & quadraginta octo. In tanto legum numero difficillimum videbatur præcisè determinare, quodnam esset mandatum maximum vel præcipuum. Valde enim discrepabant Doctores, partim ad sacrificia inclinantes, partim etiam traditionibus huminis nimium tribuentes, quod utrumque tamen à Deo rejicitur, Ps. 50. v. 9. 14. 23. Ef. 6. v. 8. Os. 6. v. 6. Ef. 29. v. 13. Matt. 15. v. 9. sperabant igitur Pharisei, se hac quæstione tale responsum elicitos, quod plebi versum sentienti non satisfaceret.

Sicut igitur tum temporis vatia erant schismata: Ita non miremur, si hodie adhuc super uno vel altero fidei articulo dissensiones oriuntur, oportet ita esse, 1. Cor. 11. v. 19.

II. *Respondentem,* Christum scilicet, cuius responsio est

1. *Prompta,* quia enim in illo omnes thesanri sapientiæ & scientiæ absconditi sunt, Col. 2. v. 3, longa meditatione non indigeret, sed ad propositum ζητησα ex tempore responderet: Ita nos quoque veritatem non celemus, sed alacriter proloquamur & defendamus, parati semper ad satisfactionem poscenti rationem de ea, quæ in nobis est spē & fide, 1. Pet. 3. v. 15.

2. *Congrua.* Quia enim quæstio erat de lege, ad Legislatorem Mosen hunc Phariseum remittit, & hoc ipso docet unumquemq; fidei articulum ex sua propria fede, quam habet in Scripturis, decidendum esse. Hoc non faciunt Calviniani, dum ex cap. 6. Joh. articulum de S. Coena impugnant.

Sed

Sed infelici marte, quia Concio illa præcessit institutionem Cœnæ toto anno, & proinde verbis institutionis nihil præjudicare potest. Ad sedem igitur revocandi sunt adversarii, verba institutionis sunt regula, quam qui sequuntur, pax super illos & misericordia, Gal. 6. v.16.

3. **Plena.** Moses duas à Deo tabulas accepit, quia duo sunt objecta primaria, quibus lex occupatur, Deus videlicet & proximus. Christus igitur satisfacturus adversario suo, nucleus quasi ex duabus hisce tabulis colligit, quo breviter complectitur

I. **Dilectionem Dei,** ex Deut. 6. vers. 5. ubi modus simul exprimitur, quomodo Deum diligere debeamus, nimis

1. **Cordialiter**, vel ex toto corde, ne dividatur hoc inter Deum & creaturem, sed ipsi soli adharet, ut si quid præter ipsum diligamus, id tamen propter ipsum, sub ipso, in ipso, & juxta voluntatem ejus diligamus. Sicut enim vera mater infantem vivum dividì solebat, 1. Reg. 3. v. 26. ita Deus cœlestis Pater nullam cordis nostri partitionem admittit. Nam impossibile est duobus Dominis servire, Matth. 6. v. 24.

2. **Finaliter**, vel ex tota anima, quamdiu vivimus, & anima nostra cum corpore unita est. Nec enim sufficit incepisse, sed perseverandum est in amore usque ad extremum vitæ halitum, si finem fidei nostræ, æternam salutem consequi velimus, Matth. 10. v. 22. Apoc. 2. v. 10.

3. **Totaliter**, vel ex tota mente & omnibus viribus, ut omnes cogitationes animi in Dei honorem unicè dirigantur, & omnia quæ intra nos sunt, sanctissimo nomini ejus benedicant, Psal. 103. v. 1.

Hoc mandatum de dilectione Dei Christus vocat primum & maximum:

1. **Ratione ordinis**, quia dilectio DEI præcedit dilectionem proximi. Deus enim est summum bonum, & & omnis principium & finis, Apoc. I. vers. 8. propterea amor noster in ipso debet incipere, & in ipso etiam finiri. Sicut enim avicula quidem interduum circumvolat, & mox huic, mox illi ramusculo insidet, sed requiem non invenit nisi in nidulo suo: Ita amatores Creaturarum subinde novum quid offendunt, quo se oblectent, sed quietem tamen solidam non inveniunt, nisi per amorem ad Deum se convertant, Psal. 84. v. 3. 4.

2. **Ratione ponderis**, quod certè magnum est, si spectes

I. **Dignitatem.** Nam mandato huic de dilectione Dei omnia reliqua mandata cedunt. Præcepit Deus honorare parentes, obedire Magistrati, &c. Sed si honor parentum vel obedientia erga Magistratum pugnet cum dilectione Dei, tum omnino illi cedere debet, Luc. 14. vers. 26. immò quilibet bona opera, si Deo placere debent, charitate condiantur oportet. dare eleemosynam, est bonum opus: sed si non procedat ex charitate, sed ex studio aucupandæ gloriolæ humanæ, non est opus bonum, nec etiam DEO placere potest, 1. Corinth. 13. v. 3. est enim ipse charitas, 1. John. 4. v. 16.

2. **Perpetuitatem.** Fidei in vita æterna succedit visio, spei fruitio, charitas autem manebit & perficietur, 1. Corinth. 13. v. 8. seqq. quòd enim Dens cognoscitur clarius, eo diligitor ardenter: Jam vero in vita æterna videbimus Deum à facie ad faciem, 1. Cor. 13. v. 12. ergo etiam perfectissime eum diligemus, sine modo, sine tædio, sine termino, quia gaudium nostrum perfectum erit, Joh. 16. v. 24.

II. *Dilectionem proximi*, ex Lev. 19. v.
18. hoc præceptum dicitur simile priori

1. *Ratione connexionis*, quia caritas Dei
sine charitate proximi esse non potest, teste
Johanne, I.c. 4. v. 20.

2. *Ratione obligationis*, quia æquè ac
primum omnes homines ad obedientiam
obligat. Legislator enim utrobique unus
est, Jac. 4. v. 12.

3. *Ratione executionis*, quia transgressio-
res hujus præcepti pari poena digni sunt ac
hi, qui mandatum de dilectione Dei trans-
grediuntur, Matth. 5. v. 22. I. Joh. 3. v. 15.

Diligere autem debemus proximum sicut
nos ipsos

1. *Ore*, ut pro ipso oremus, quod Paulus
præcipit I. Tim. 2. v. 1.

2. *Corde*, ut prospera quæque ex animi
sententia ipsi apprecessimur, congaudeamus
& consoleamus pro re nata, juxta monitum
Apostoli, Roman. 12. v. 15.

3. *Opere*, ut necessitatibus ejus strenue
succurramus, quod suadet Salomo Prov.
24. v. 11. & Johannes I. c. 3. v. 17. & Jacobus
c. 2. v. 15.

Quamvis autem ad hanc perfectionem in
hac vita assurgere non possimus, carnales e-
nim sumus, venundati sub peccatum, Rom.
7. v. 14. tamen in hac vita diligendi initium
fieri oportet, ut vera & viva fides per chari-
tatem non solum proximi, sed Dei cum pri-
mis se se exerat, Gal. 5. v. 6. in vita æterna per-
fectio sequetur, I. Corinth. 13. v. 12. Ephes.
4. vers. 13.

De Secundo.

Postquam Christus sufficienter respon-
derat ad *ζητημα* Scribæ de primo &
maximo legis præcepto, ut ipse calculo suo

responsionem illam approbare coactus fu-
erit, ut Marcus commemorat c. 12. v. 32. 33.
34. etiam ipse quæstionem proponit, non ex
legibus Mosaicis, in quibus solis ipsi occu-
pati erant, atque interim promissiones de
Messia vel planè negligebant, vel in aliud
sensum detorquabant, sed ex Evangelio pe-
titam, quod semper cum lege conjungen-
dum est.

Videbimus nos

I. *Ipsam questionem*, quā his verbis de-
scribitur: Quid videtur vobis de Christo?
cujus filius est? Pharisæi & Scribæ puta-
bant, summam in eo consistere sapientiam, si
de quæstionibus legis disputare possint, sed
Christus contra docet, summam sapientiam
esse salutarem sui notitiam, siquidem illa su-
perat omnem scientiam, Eph. 3. v. 19. & vitam
æternam operatur, Joh. 17. v. 3. hinc Poëta:

*Si Christum nescis, nihil est quod cetera
discis,*

Si Christum discis, satis est si cetera nescis.

II. *Mutilam solutionem*. Respondent
Pharisæi: Davidis. Hoc verum quidem est
juxta vaticinia 2. Sam. 7. v. 12. 13. Plal. 89. v. 29.
30. Psal. 132. v. 17. Jerem. 23. v. 5-33. vers. 14-15.
Sed non sufficit, proinde Christus urget, Psal.
110. v. 1. & si Messias erit Filius Davidis, in-
quit, quomodo David eum vocat Dominum
suum? Non enim moris est, ut Pater
aliquis, imò Rex, qualis erat David, filium
suum Dominum vocet, ut hoc loco non sim-
pliciter Adon, sed Adoni cum affixo re-
peri est. Apparet hinc

I. *Christi maiestas*, quod sit

1. *Davidis filius*, nimirus juxta carnem,
Romanor. I. vers. 3. & 9. v. 5. Sicut enim pu-
eri communicarunt Carni & Sanguini: ita
Christus etiam participavit iisdem, &c. Ebr.
2. vers. 14.

2. Davi-